

गुनकी खोले ने बारे काड दे बिन्जारा रामजी भजवा री वेला



गुनकी खोले ने बारे काड दे बिन्जारा,
रामजी भजवा री वेला जाय जे ए हा,
अरे गुनकी खोलु तो धोखो उपजे मेनागर,
लारे आवे है थारे वार जे ए हा,
अरे गुनकी खोलु तो धोखो उपजे मेनागर,
लारे आवे है थारे वार जे ए हा।bd।

अरे वारे करनीया रे लारे रह गया बिन्जारा,
गया है वे गंगा वाली घाट जे ए हा,
अरे वार करनीया रे लारे रह गया बिन्जारा,
गया है वे गंगा वाली घाट जे ए हा,
अरे हसने मुलके ने मुंडे बोल जे मेनागर,
हिवडे पेरावु नवसर हार जे ए हा,
अरे हसने मुलके ने मुंडे बोल दे मेनागर,
हिवडे पेरावु नवसर हार जे ए हा।bd।

अरे ऊंची बैठावु बादल महल में मेनागर,
चुडलो पेरावु हस्ती दात जे ए हा,
अरे ऊंची बैठावु बादल महल में मेनागर,
चुडलो पेरावु हस्ती दात जे ए हा,
अरे थारे जेडा रे हाली बालदा बिन्जारा,
नोकता घोडलीयो वाली लाद जे ए हा,
अरे थारे जेडा रे हाली बालदा बिन्जारा,
नोकता घोडलीयो वाली लाद जे ए हा।bd।

अरे शेर शेर सोनो पेरती बिन्जारा,
भरती मोतीया सु भारो भार जे ए हा,
अरे शेर शेर सोनो पेरती बिन्जारा,
भरती मोतीया सु भारो भार जे ए हा,
अरे सोना रे पालना मे हिण्डती बिन्जारा,
दासीया रे ऊपर ढोलती बाव जे ए हा,
अरे सोना रे पालना मे हिण्डती बिन्जारा,
दासीया रे ऊपर ढोलती बाव जे ए हा।bd।



मतकर धनवंती धन रो गारबो बिन्जारा,
नही रे आवेला थारे काम जे ए हा,
अरे मतकर धनवंती धन काज तो बिन्जारा,
नहीं रे आवेला थारे काम जे ए हा,
घडीयेक झोलो बाजीयो बिन्जारा,
हो गई मे घर घर री पनिहार जे ए हा,
अरे घडीयेक झोलो बाजीयो बिन्जारा,
हो गई मे घर घर री पनिहार जे ए हा। bdi

अरे अबतो बिन्जारा री बोली छोड दे मेनागर,
थामद के बतलाय जे ए हा,
अरे अबतो बिन्जारा री बोली छोड दे मेनागर,
थामद के बतलाय जे ए हा,
सायर नीर सरीका डिकरा बिन्जारा,
चन्दन सरीको भरतार जे ए हा। bdi

अरे सत्त रेवेतो रे हेलो साम्भलो भाईडा,
बिन्जारे पकडी हट आज जे ए हा,
अरे सत्त रेवेतो रे हेलो साम्भलो भाईडा,
बिन्जारे पकडी हट आज जे ए हा,
अरे जड जई फुलडा ने रे जई वासना रे,
जुग मे वेला सतीयो रो अमर नाम जे ए हा,
अरे जड जई फुलडा ने रे जई वासना रे,
जुग मे वेला सतीयो रो अमर नाम जे ए हा। bdi

गुनकी खोले ने बारे काड दे बिन्जारा,
रामजी भजवा री वेला जाय जे ए हा,
अरे गुनकी खोलु तो धोखो उपजे मेनागर,
लारे आवे है थारे वार जे ए हा,
अरे गुनकी खोलु तो धोखो उपजे मेनागर,
लारे आवे है थारे वार जे ए हा। bdi

गायक – सरिता जी खारवाल ।

प्रेषक – मनीष सीरवी

9640557818
